

LAWATAN DAN PENYERAHAN BANTUAN KEPADA KELUARGA LU II AZRIL AMINUR RASHID BIN ROZALI DI ATAS NAHAS KEBAKARAN

airforce.mil.my/berita/berita-dari-pangkalan/3587-lawatan-dan-penyerahan-bantuan-kepada-keluarga-lu-ii-azril-aminur-rashid-bin-rozali-di-atas-nahas-kebakaran

BUTTERWORTH, 13 Jun 18 - Rumah ibu bapa LU II Azril Aminur Rashid bin Rozali di Kawasan Nelayan Pulau Jerejak telah musnah sepenuhnya akibat kebakaran yang berlaku pada 11 Jun 18 lalu. Kebakaran ini turut memusnahkan barang-barang persiapan perkahwinan anggota yang dijadualkan akan melangsungkan perkahwinan pada Hari Raya Aidilfitri kedua.

Kol Hj Ahmad bin Yusof TUDM, Pengarah Perkhidmatan, Markas Tentera Udara - Bahagian Tadbir, Cawangan Perkhidmatan telah menyampaikan sumbangan Tabung Kebajikan TUDM berupa wang tunai dan hamper kepada LU II Azril Aminur Rashid bin Rozali.

Turut serta dalam lawatan ini, Kol Koey Tang Chai TUDM selaku wakil Komander Pangkalan turut menyampaikan hasil kutipan derma kilat dari warga Pangkalan Udara Butterworth kepada anggota. Sementara pihak PERNAMA Pangkalan Udara Butterworth turut menyampaikan sumbangan berupa barangan dapur dan elektrik kepada anggota. Lawatan ini turut disertai oleh staf dari INSKEP.

Seluruh warga TUDM mendoakan semoga anggota dan keluarga tabah menghadapi dugaan ini.





